



**Les Fleurs Des Vies Des Saints Et Des Festes De Toute  
L'Annee, Svivant L'Vsage Dv Calendrier Romain Reforme**

Augmentees des Saints & Bien-heureux Peres Iesuites, de Saint Charles  
Borromee, & de Sainte Françoise ; Avec le Mertyrologe Romain, pour  
tous les iours de l'Annee ...

**Ribadeneyra, Pedro de**

**Paris, 1631**

viii La vie de s. Goar, Prestre & Confesseur.

---

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)

elle se voyoit frustrée des plaisirs du mariage, desquels la sainte disoit ne se soucier aucune-ment, à cause que nostre Seigneur la consoloit interieurement avec vne telle assistace de la grace diuine, qu'elle mesprisoit les choses de la terre. Bertulfe voyant tous ses desseins dissipéz, commanda à deux de ses seruiteurs de la tuër de nuit; & pour mieux piper la sainte, il luy dist doucement, qu'il luy auoit donné charge de luy amener vne femme pour l'accompagner & seruir, qu'il esperoit qu'elle seroit l'vnique moyé de les remettre bien ensemble (comme c'estoit tout son desir) luy demandant pardon de ce qui s'estoit passé. Il print congé d'elle pour quelques iours, & se retira dans la ville de Bruges pour y attendre les nouvelles de la mort de Godolene, & faire croire qu'elle seroit aduenüe inopinément & à son desceu. Vne nuit donc que ceux de la maison estoient endormis, ces deux cruels bourreaux la firent leuer de son liét, nuës iambes, ses cheueux espars, & en chemise, ils luy mirent vne corde au col & l'estranglerent, puis ils la jetterent dans la riuiere pour l'acheuer d'estouffer. A quelque temps de là ils la retirerent de l'eau, & la rapporterent dans son liét, où ils l'agencerent & accommoderent, pensant qu'on ne descouueroit iamais les auteurs de ceste barbarie: mais quoy que du commencement cela demeurast secret, & qu'on l'eust enterrée, faisant croire au monde qu'elle estoit morte subitement dans son liét, nostre Seigneur voulut manifester la verité par plusieurs miracles: car la terre où ils l'estranglerent se conuertit en pierre plus blanche que la neige, & qu'aucuns en emportans chez eux par deuotion, trouuoient que ceste terre se transformoit en pierres precieuses, & que l'endroit où ils la noyerent receut vne telle vertu du Ciel, que ceste eau guarrissoit tous les malades qui en beuuoient: & vne fille du mesme Bertulfe qu'il auoit eue de sa seconde femme; estant née au eugle, recoutra la veüe, lauant ses yeux de ceste eau, en recognoissance duquel miracle il fit bastir vn Monastere de filles, de l'Ordre saint Benoist, dedié à sainte Godolene, auquel on garde le sang qu'elle rendit par la bouche & par le nez, quand ils la jetterent dans l'eau pour l'acheuer: les malades qui venoient à son tombeau s'en retournoient sains, & obtenoient de grandes graces de Dieu par l'intercession de la sainte: l'an 1088. le 30. Iuillet, son corps saint fut honorablement leuë par les Euesques de Noyon & de Tournay. La vie de sainte Godolene a esté escripte par vn Prestre nommé Progon, sur le recit qu'il dit luy en auoir esté fait par des tesmoins oculaires. Surtout la rapporte en son 4. Tome, Iean Molan en fait mention en ses Annotations sur Vsuard, & au Catalogue des Saints de Flandres. Il dit, que l'an de son martyre fut 1070. le 6. de Iuillet, & que Bertulfe se conuertit, fit penitence, & vescut saintement au Monastere de sainte Vinocce, & que sa mere luy fit comettre ceste meschanceté. Les prieres de sa sainte femme furent peut-estre cause qu'il obtint pardon &

misericorde de nostre Seigneur, lequel est iuste & tres-secret en ses iugemens, que nous deuons plusiost honorer qu'esplucher, atteddu qu'il permet que sainte Godolene tōbast entre les mains d'vn bourreau & monstre de nature, tel qu'estoit Bertulfe auant sa conuersion, pour la polir, espurer, affiner, & martyriser par ses mauuais traitemens, & puis la faire mourir, afin qu'elle ioiust eternellement de la vraye vie qui est au Ciel, & qu'elle fust decorée en terre de plusieurs miracles, reuerée comme sainte, & imitée des femmes que leurs marys tourmentent sans sujet, lesquels se conformans en sa patience & souffrance obtiendront vne pareille couronne de gloire. Amen.

LA VIE DE SAINT GOAR,  
Prestre & Confesseur.



AINC Goar estoit natif de Gasco-gne, son pere s'appelloit George, & sa mere Eulalie, gens de qualité. Il se porta au bien dès son enfance, ayant vn visage agreable, humble, honneste, & qui cherissoit toutes les ceures vertueuses. Il s'auança tellement en la crainte de Dieu qu'il excitoit les autres par son exemple à le suiure, à faire penitence, & viure en vrays Chrestiens. Il se fit Prestre, & brulant de l'amour diuin pour renoncer aux choses de la terre, il quitta ses parents & amis, sortit hors de son pays, voyageant par le monde: il s'arresta en vn lieu de l'Euesché de Treues, nommé Vvocare, où il fit bastir vne Eglise par la permission de l'Euesque Felix, & la garnit de belles & deuotes Reliques. Il demeura là plusieurs années, s'adonnant à l'oraïson, aux ieusnes, à la penitence, exerçant l'hospitalité en tout ce qu'il pouuoit à l'endroit des pauures pelerins: il y auoit encores plusieurs Payens en ceste contree, lesquels par la vie exemplaire & predication de saint Goar, sortirent des tenebres de leur auenglement, & se conuertirent à nostre Religion: Nostre Seigneur Iesus-Christ leur en facilita le chemin par les miracles que faisoit son seruiteur, deliurant les demoniacs, faisant voir les auengles, marcher droit les boiteux, & guarissant plusieurs personnes affligées de diuerses maladies: il celebreroit tous les iours deuotement la Messe, & disoit son Psaultier: il s'occupoit par apres aux ceures de charité, seruant les pauures, & logeât les pelerins avec tant d'affection, qu'il sembloit receuoir N. S. en leur personne. Le diable porta enuie à la sainteté de Goar qui fructifioit en tāt d'années, & suscita deux seruiteurs de l'Euesque, nommé Rustique, à l'accuser deuant leur maistre d'hypocrisie & piperie, interpretant en mal toutes les plus honnestes actions du saint: L'Euesque le creut aussi legerement qu'on le luy auoit dist: il enuoya querir le saint par ses accusations: Goar scachant que l'Euesque le demandoit, en remercia N. S. s'estimant indigne d'a-

6.  
IUIL-  
LET.

voir part en sa souenance, sans se desier autrement de ce qu'il luy vouloit: il festoya les messagers de l'Euesque: le lendemain il dit la Messe & le Psautier, continuant ses deuotions comme il auoit accoustumé, pour s'en aller avec eux incontinent apres dîner: mais eux ayans haste de partir, il leur bailla les viandes qu'il auoit préparées. Nostre Seigneur qui est iuste Iuge & grand scrutateur des cœurs, voyant ce qu'ils trañoient contre le saint, les affligea & lassa tellement qu'ils ne peurent passer outre, la faim & la soif les contraignirent de regarder en leurs besaces, où ils ne trouuerent point les prouisions que le saint leur auoit baillées, ny chose qui fust pour manger, non pas mesme de l'eau dans vn ruisseau qui estoit pres de là. Alors ils recogneurent leur faute, & en demanderent pardon au saint, lequel ayant rencontré trois biches, les fit arrester: il les tira, & bailla le lait à boire à ces tristes messagers de l'Euesque, auxquels il pardonna: & ayant fait la benediction sur eux, ils trouuerent leurs bissacs remplis de prouisions, & de l'eau dans le ruisseau que nostre Seigneur, par sa permission, auoit rendu inuisible. Estans de retour ils raconterent à l'Euesque ce qui estoit passé: mais il estoit desia tant preuenü & irrité contre Goar, qu'il le mal-traita, attribuant tout ce qu'il auoit fait plustost à la Magie qu'à la vertu diuine. Il le pressa fort de luy dire qui il estoit, & où il auoit appris ces malefices qu'il pratiquoit.

Après plusieurs discours qui se passerent entre eux, l'on apporta vn enfant exposé qui n'auoit que trois iours. L'Euesque dist à saint Goar: Nous verrons bien maintenant si tu es Magicien (comme ie croy) ou seruiteur de Dieu: dis nous le pere & la mere de cet enfant. Alors saint Goar s'affligea du commandement que luy faisoit l'Euesque, estimant d'vn costé que seroit vne presomption & chose par dessus ses merites, de prier Dieu qu'il luy reuelast le pere de ceste creature: d'autre-part ne le faisant pas, il estoit en danger d'estre tenu pour vn Magicien & enchanteur, par l'Euesque, qui le rendoit miserable en ceste rigoureuse perplexité: il eut recours à Dieu, le suppliant de le favoriser & maintenir son innocence. Alors poussé d'vne confiance de l'instinct diuin, il commanda à l'enfant de dire tout haut le nom de son pere & de sa mere. L'enfant estendant sa petite main vers l'Euesque, prononça d'vne voix articulée comme s'il eust eu dix ans: Voila mon pere, l'Euesque rustique, & ma mere s'appelle Flaue. L'Euesque demoura tout honteux & confus, les assistans bien esmerueillez louerent nostre Seigneur Iesus-Christ qui auoit soustenu l'honneur de son seruiteur, & chastié l'Euesque qui le vouloit opprimer, descouurant son vice. Mais saint Goar voyant l'Euesque attrapé au piege qu'il luy auoit dressé, & qu'à son occasion (encore qu'il n'y eust point de sa faute) Dieu auoit publiquement descouuert ses fautes les plus secretes, il en fut extrêmement affligé, & ne se pouoit consoler du suecez de cet affaire. Il parla à l'Euesque, le con-

6.  
IUIL-  
LET.

jurant à chaudes larmes de se reconnoistre & de satisfaire au peuple par sa penitence, qui demeureroit fort scandalisé de luy il s'offrit à le confondre par ses prieres, & faire septans penitences pour luy.

Le bruit de ce qui s'estoit passé courut iusques aux oreilles du Roy Sigibert, lequel fit appeler saint Goar, & voulut sçauoir de sa bouche la verité de l'histoire: mais le saint (de peur de dire chose qui retombast à son honneur, où à l'infamie de l'Euesque) fit difficulté de la dire. Le Roy luy commanda, & le pressa par plusieurs fois de l'en esclaireir, alors le saint le supplia de luy dire premierement ce qu'il en auoit appris du commun bruit, & le Roy raconta mot à mot ce qui s'estoit passé entre l'Euesque & Goar, lequel repliqua au Roy, Te ne vous en sçauois dire autre chose que ce que vous en sçauiez. Le peuple qui entendit ce discours, s'esleua contre l'Euesque, criant qu'il estoit indigne de l'estre, & qu'il falloit establir Goar en sa place. Le Roy en fut aduis, & s'efforça par tous moyens de faire accepter à Goar l'Euesché de Treues, lequel il estoit resolu d'oster à Rustique à cause de ses fautes, & de remplir ceste Eglise de quelque vn qui donnast satisfaction au peuple qui auoit le mesme desir, & l'en supplioit aussi. On ne peut iamais reduire saint Goar à accepter l'Euesché: au contraire craignant que le Roy ne l'y forçast, il demanda 20. iours de terme pour y penser & s'en refoudre avec Dieu, luy ayant este accordé, il s'enferma dans sa cellule, & supplia nostre Seigneur de l'exempter de ceste charge, & ne permettre qu'il acheuast le reste de ses iours hors de sa retraite. Dieu l'exauça, & luy enuoya vne fièvre qui dura septans; de façon qu'il ne peut sortir de sa cellule, ny veoir le Roy. Le S. officier ces sept années de maladies à Dieu, pleurant & demandant pardon des pechez de l'Euesque, ainsi qu'il auoit promis, combien que le Roy taschast par plusieurs fois à tirer S. Goar de son fort, pour le planter dans le siege Episcopal, & se seruir de luy au gouvernement du Royaume: il n'en peut iamais venir à bout, au contraire il certiffa au Roy qu'il finiroit là ses iours sans en sortir, comme il aduint: car au bout des sept ans de sa maladie, & de la penitence qu'il fit pour l'Euesque Rustique, priant & pleurant incessamment, il vescu encore trois ans & trois mois en la mesme maladie, & acheua le cours de sa vie le sixiesme Iuillet, du temps de l'Empereur Maurice. Le Martyrologe Romain fait mention de luy au mesme iour. Son corps fut inhumé par Agrigin & Eusebe Prestres, qui furent assistez de la Noblesse & du peuple, lors qu'on le porta en l'Eglise que le Saint auoit bâtie, de laquelle il fut depuis transféré en vne autre plus somptueuse, qui fut edifiée pour cet effect. Nostre Seigneur Iesus-Christ fit de tres-grands miracles par ce Saint, guarissant plusieurs maladies incurables, & deliurantes peudez de la tyrannie des diables: il resuscita des morts, & chastia ceux qui s'approchoient premierement de l'Eglise où repositoient ses re-

lique, & quine luy portoient pas assez de respect. On peut voir le discours de ses miracles dans la vie, écrite par le Diacre Gandelberg, l'an 850. rapportée par Surius, en son 4. Tome, telle que nous l'avons succintement représentée, où nous apprenons combien la vertu est odieuse & insupportable à ceux qui sont vicieux, dont la veuë chassieuse ne peut regarder la moindre lumière, & comme nostre Seigneur deffend ses seruiteurs, & rompt les pieges & filets de leurs ennemis, les faisant le plus souvent tomber dans la fosse qu'ils ont creusée pour y faire tomber les innocens: & combien les Saints sont charitables & misericordieux envers ceux qui les persecutent, qu'ils fuyent véritablement les grandeurs de la terre, veu que Saint Goar pleura, & fit sept ans penitence pour les pechez de l'Euesque qu'il avoit affligé, & ayma mieux mourir d'une longue & facheuse maladie, que d'estre Euesque. Sigibert fait mention de luy en sa Chronique de l'an 800. parlant de l'Empereur Maurice. Vincent Speculateur, liure 22. chapitre 13. Pierre de Natalibus, liure 6. chapitre 62. & le Cardinal Baronius en ses Annotations.

L'Oùané des glorieux Apostres saint Pierre & S. Paul. En l'Inde S. Esay Prophete fut sé en deux, sous le Roy Manasse, & enteré sous le fameux cheste de Rogel, près du passage de l'eau. A Rome deceda saint Tranquilin martyr, pere des saints Marc & Marcellian freres, lequel ayant esté converti à la Foy de nostre Sauveur, par la predication de saint Sébastien, & baptisé par le bien-heureux Polycarpe Prestre, priant près du sepulchre de saint Paul le iour de l'Octave, fut pris par les Payens & lapidé. A Fiesoli en Tosane se fait la feste de saint Romule Euesque, disciple de saint Pierre Apostre, lequel y fut enuoyé prescher l'Euangile, & ayant enseigné la Foy de nostre Sauveur en plusieurs lieux d'Italie, & puis retournant au siege de son Euesché, y fut martyrizé sous le Prince Domitian. En la Champagne d'Italie, sainte Dominique vierge, ayant rompu & brisé quelques idoles du temps de l'Empereur Diocletian, fut condamnée d'estre exposée aux bestes, de laquelle n'ayant receu aucun dommage, est depuis la feste trébuchée. A mesme iour sainte Lucie natifve de la susdite Champagne, ayant esté apprehendee par un nommé Rixie Lieutenant, & cruellement tourmentée, le convertit neantmoins à la Foy, avec Antonin, Severin, Diodore, Dion, & autres dix-sept, lesquels ayant esté compagnons aux tourmens, eurent aussi tous part à la mesme couronne. A Treues S. Goar Prestre & Confesseur. A Gistelle en Flandres sainte Godolene martyre.

A Rome se fait la feste des saints martyrs Cl. vide concier. 7. Nicofrate general des finances, Castor, Victorin & Symon, convertis à la Foy par saint Sébastien, & baptisés par saint Polycarpe Prestre, lesquels s'employant avec tous leurs moyens, à ramasser les corps des saints martyrs, furent pris par commission du Iuge Fabian, lequel le fit tenter par menaces & belles promesses l'espace de dix iours, & voyant qu'il n'avoit rien, les fit tourmenter par trois diverses fois, & puis jeter en la mer. A Duraz en Macedoine les saints martyrs Pelron, Lucian, Pompee, Hefchie, Papie, Saturnin & Germain Italiens de nation, s'estans la retirez durant la persecution de Traian, & voyant saint Asie Euesque pendu en Croix pour la confession de la sainte Foy, se declarerent estre Chrestiens, furent pris sur le chap & plongez en la mer. En Alexandrie se fait la feste de saint Pantene homme Apostolique, doué de toute sorte de savoir & doctrine, & si grand zelateur de l'honneur de Dieu, & de salut des ames, qu'il s'en alla aux derniers & plus esloignez quartiers d'Orient, pour y prescher le saint Euangile, puis fut requis par les ambassadeurs des Indes de se transporter

en leur pais, ce qu'il fit avec autorité de Demetrie Euesque d'Alexandrie: & puis revenant en ladite ville, mourut en paix du temps de l'Empereur Antonin, surnommé Caracalla. A Bresse deceda S. Apollone Euesque & Confesseur. En Saxe S. Vvilleboud premier Euesque de Breme, lequel travaillant avec S. Boniface, pour semer l'Euangile en ces quartiers-là, connerit plusieurs pais à la Foy. En Auvergne S. Ilde Euesque de Clermont. En Auvergne S. Hedde Euesque des Saxons, qui demorerent vers l'Occident. En la mesme Isle trespassa sainte Edburge vierge fille d'un Roy d'Angleterre.

LA VIE DE SAINT PROCOPE Martyr.

L'Empereur Diocletian après avoir seulement puny la desobeyssance de la ville d'Alexandrie, s'en alla en Antioche, où il fit de cruels Edicts contre les Chrestiens, en faueur de ses faux Dieux, qu'il appelloit les conserveurs & propagateurs de son Empire, desirant (s'il eust peu) abolir la Religion Chrestienne. Pendant qu'il s'occupoit en ceste impieté, vne grande Dame, nommée Theodosie, du sang des Senateurs, qui avoit esté mariée avec un Gentilhomme Chrestien, lequel estoit decédé, se presenta à l'Empereur avec un sien fils nommé Neanias, qui estoit un ieune homme, adroit, robuste, & de bonne grace, & le supplia d'employer son enfant en quelque bonne charge, pour laquelle elle luy offrit vne grosse somme d'argent. L'Empereur receut volontiers ses deniers, & sachant la qualité de Theodosie & de son fils, lesquels estoient fort grands idolatres, il fit Neanias gouverneur d'Alexandrie, avec commandement de ne laisser aucun Chrestien en vie, & luy laissa pour cet effet vne forte garnison. Neanias sortit d'Antioche avec ses lettres & provisions pour aller en son Gouvernement. Estant un foir en chemin il fut surpris d'un tremblement de terre espouventable, avec des tonnerres & esclairs, ceux qui l'accompagnoient s'enfuyrent à demy morts de peur, & tomberent par terre. Neanias seul fortifié de la vertu Celeste s'arresta, & entendit vne voix esclatante qui luy dit, Neanias, où, & contre qui vas tu ainsi eschauffé? Il respondit quil alloit par le commandement de l'Empereur, mettre à sac tous les Chrestiens, & leur fausse Religion. Vne autre voix luy repliqua, Et toy, ô Neanias, tu viens donc aussi contre moy? Le saint luy demanda, Qui estes vous? alors il apperceut vne Croix, beaucoup plus claire que le crystal, de laquelle sortit vne voix qui dit, Je suis Iesus crucifié, le Fils de Dieu. Neanias, quoy que bien estonné, ne laissa pas de repliquer, Comment est-il possible, Seigneur, que vous soyez le Fils de Dieu ayant esté crucifié & fait mourir avec tant de douleurs & d'opprobres? il respondit, Je suis mort par ma volonté, & ay pris sur moy les peines que les hommes doivent souffrir pour leurs pechez, & les ay delivrez en mourant, de la mort eternelle. Ceste vision disparut, & Neanias en demeura